

**DEWAN RAKYAT MALAYSIA
PERTANYAAN BUKAN LISAN**

PERTANYAAN : BUKAN LISAN

**DARIPADA : TUAN HEE LOY SIAN
[PETALING JAYA SELATAN]**

SOALAN :

**Tuan Hee Loy Sian [Petaling Jaya Selatan] minta MENTERI
SUMBER ASLI DAN ALAM SEKITAR menyatakan :-**

- (a) hasil pelaksanaan Program Kesedaran Masyarakat mengenai kepentingan pemeliharaan hutan paya laut sejak 2006; dan
- (b) keluasan hutan paya laut yang terdapat di Semenanjung Malaysia dengan perincian kepada negeri.

JAWAPAN :

Tuan Yang Dipertua,

Untuk makluman Ahli Yang Berhormat,

(a) Kementerian Sumber Asli dan Alam Sekitar telah melaksanakan program kesedaran masyarakat mengenai kepentingan Hutan Paya Laut melalui Program Penanaman Pokok Bakau dan Spesies-Spesies Yang Sesuai di Persisiran Pantai Negara yang telah bermula sejak tahun 2005. Program ini telah berjaya melibatkan sejumlah 32,115 orang dalam aktiviti penanaman pokok dan kempen kesedaran di kalangan pelajar sekolah, institusi pengajian tinggi, nelayan dan penduduk setempat. Antara hasil (*outcome*) pelaksanaan program kesedaran yang telah diadakan adalah seperti berikut:-

- (i) Pembinaan dan penyelenggaraan nurseri anak bakau oleh kumpulan komuniti dan penduduk kampung, di mana penduduk kampung dapat menambahkan hasil pendapatan melalui penjualan anak pokok bakau bagi tujuan kempen-kempen kesedaran yang dilaksanakan oleh pihak swasta dan NGO;
- (ii) Penglibatan aktif 11 NGO dan pertubuhan masyarakat dalam aktiviti pemeliharaan dan pemuliharaan Hutan Paya Laut.

- (iii) Masyarakat setempat khususnya golongan belia mula melibatkan diri secara aktif dengan aktiviti-aktiviti kesedaran dan pengembangan yang dilaksanakan oleh NGO.
 - (iv) Meningkatkan kesedaran masyarakat tentang kepentingan ekosistem Hutan Paya Laut.
 - (v) Hasil tangkapan seperti ketam, udang dan siput di kawasan bakau kian bertambah dan masyarakat setempat mendapat faedah melalui peningkatan jumlah pendapatan.
 - (vi) Pendedahan dan latihan penanaman serta pengurusan anak pokok oleh komuniti serta lawatan sambil belajar ke komuniti yang telah berjaya.
 - (vii) Pembinaan pusat pendidikan kecil berkaitan Hutan Paya Laut di Pulau Pinang oleh Persatuan Kebajikan Nelayan-nelayan Pantai Pulau Pinang.
- (b) Pada tahun 2013, keluasan Hutan Paya Laut di Semenanjung Malaysia adalah berjumlah 117,376 hektar.

Sekian, terima kasih.